

ZAPISNIK

sa 14. vanredne sjednice Senata Univerziteta održane 14.10.2009. godine sa početkom u 9,00 sati u sali za sjednice Rektorata Univerziteta u Tuzli

Sjednicom je predsjedavao prof.dr. Džemo Tufekčić – rektor Univerziteta u Tuzli.

Sjednici su prisustvovali slijedeći članovi Senata: prof.dr. Admedina Savković, prof.dr. Edin Delić, prof.dr. Mirsad Đonlagić, prof.dr. Snježana Marić, prof. Vlado Kerošević, prof.dr. Srđan Vukadinović, prof.dr. Nevzeta Salihović, doc.dr. Mirela Duranović, prof.dr. Reuf Kapić, doc.dr. Amir Tokić, doc.dr. Aljo Mujčić, prof.dr. Branimir Mikić, prof.dr. Alija Biberović, doc.dr. Bego Omerčević, prof.dr. Izet Alić, prof.dr. Farid Ljuca, doc.dr. Hajro Kofrc, prof.dr. Izudin Hasanović, prof.dr. Fehim Dedagić, prof.dr. Salih Kulenović, prof.dr. Abdulah Bašić, prof.dr. Mirjana Radić, Edin Eminović, Azra Tinjić i Denis Talović, studenti.

Sjednici nisu prisustvovali: prof.dr. Izudin Kešetović, prof.dr. Lejla Begić, prof.dr. Zlata Mujagić, prof.dr. Enver Halilović, prof.dr. Ramiz Šelo, prof.dr. Elmir Čičkušić, prof.dr. Izet Žigić, prof.dr. Muhamed Bijedić i Ismet Pirić, dipl.ecc.

Osim članova Senata sjednici su prisustvovali: Aida Hodžić, dipl.pravnik - šef Službe za pravne, kadrovske i opšte poslove, Vera Vrbljanac i Ervina Kovačević, studenti III godine Medicinskog fakulteta i Mirsada Delić, dipl.pravnik – sekretar Senata.

Osim članova Senata sjednici nije prisustvovala Jasmina Berbić, dipl.pravnik – generalni sekretar Univerziteta.

Za ovu sjednicu utvrđen slijedeći

DNEVNI RED

1. Informacija o obavljenim razgovorima sa predstavnicima Vlade TK, o davanju saglasnosti na prijedlog Statuta Univerziteta u Tuzli
2. Informacija o obavljenim razgovorima sa predstavnicima Vlade TK, o zahtjevu Unije studenata Univerziteta u Tuzli, za bezuvjetan prelazak u narednu godinu studija
 - 2.1. Donošenje Odluke o stavljanju van snage Odluka Senata Univerziteta u Tuzli i to:
 - Odluke o bezuslovnom prelasku studenata iz III u IV godinu studija na fakultetima Univerziteta u Tuzli u ak. 2009/2010. godini (broj: 03-7530-2.1/09 od 07.10.2009. godine)
 - Odluke o bezuslovnom prelasku studenata iz III u IV i IV u V godinu studija na Farmaceutskom fakultetu Univerziteta u Tuzli u ak. 2009/2010. godini (broj: 03-7530-2.1.1./09 od 07.10.2009. godine)
 - 2.2. Donošenje Odluke o bezuslovnom prelasku studenata sa prethodne godine studija na fakultetima Univerziteta u Tuzli u ak. 2009/2010. godini
3. Razmatranje Nacrta Pravilnika o radu Upravnog odbora JU Univerzitet u Tuzli
4. Tekuća pitanja i informacije

TAČKA 1.

INFORMACIJA O OBAVLJENIM RAZGOVORIMA SA PREDSTAVNICIMA VLADE TK, O DAVANJU SAGLASNOSTI NA PRIJEDLOG STATUTA UNIVERZITETA U TUZLI

Članovima Senata, pred početak sjednice, podijeljena je pismena Informacija Generalnog sekretara sa sastanka predstavnika Univerziteta u Tuzli i predstavnika resornog Ministarstva, održanog 12.10.2009. godine. Pored toga, prof.dr. Džemo Tufekčić, rektor i prof.dr. Edin Delić, v.d. prorektor za pitanja NIR-a, takođe su detaljnije informisali Senat o toku obavljenih razgovora, nakon čega je u diskusiji učestvovala većina članova Senata. Raspravljalo se o nepribavljenoj saglasnosti na Prijedlog Statuta Univerziteta u Tuzli i aktuelnoj problematici, trenutnim dešavanjima na Univerzitetu u Tuzli, okupljanjima odnosno mirnim protestima studenata ispred zgrade Prirodno-matematičkog fakulteta i drugim pitanjima, o čemu postoji tonski zapis. Nakon obavljene rasprave Senat Univerziteta donio je slijedeće

ZAKLJUČKE

1. Prima se k znanju Informacija rektora Univerziteta u Tuzli, o obavljenim razgovorima sa predstavnicima Vlade TK o davanju saglasnosti na Prijedlog Statuta Univerziteta u Tuzli.
2. Nastava na fakultetima/Akademiji Univerziteta u Tuzli u akademskoj 2009/2010. godini, nastaviti će se nakon davanja prethodne saglasnosti Vlade TK na Prijedlog Statuta Univerziteta u Tuzli.
3. Uvažavajući međusobno usaglašene stavove vezane za izmjene i dopune Prijedloga Statuta po prijedlozima i mišljenjima ministarstava TK i zahtjevima Unije studenata Univerziteta u Tuzli, Senat Univerziteta je saglasan da se u dostavljenom tekstu Prijedloga Statuta izvrše slijedeće izmjene i dopune:
 - da se u članu 23. riječ "budžetsku" zamijeni riječju "kalendarsku";
 - da se u članu 26. stav (3) brišu riječi: "i svrsishodnost";
 - da se u članu 30. stav (3) riječ: "podračun" zamijeni riječima: "potrošačkom mjestu u budžetu";
 - da se u članu 32. stav (3) riječi: "na posebnom računu" zamijene riječima: "namjenski na njihovom potrošačkom mjestu u budžetu";
 - da se u članu 241. stav (1) riječ: "univerzitetu" zamijeni riječima: "visokoškolskoj ustanovi";
 - da u članu 293. Prijedloga Statuta (prelazne i završene odredbe) iza stava (7) doda novi stav (8) i glasi:
"(8) odredba člana 206. stav (4) primjenjivat će se počev od akademske 2010/2011. godine".

TAČKA 2.

INFORMACIJA O OBAVLJENIM RAZGOVORIMA SA PREDSTAVNICIMA VLADE TK, O ZAHTJEVU UNIJE STUDENATA UNIVERZITETA U TUZLI, ZA BEZUVJETAN PRELAZAK U NAREDNU GODINU STUDIJA

Članovi Senata, predstavnici studenata: Edin Eminović, predsjednik USUT-a i Denis Talović, usmeno su informisali Senat o obavljenim razgovorima sa predstavnicima Vlade TK, o zahtjevu Unije studenata Univerziteta u Tuzli, za bezuvjetan prelazak u narednu godinu studija. Takođe su izjavili da o obavljenim razgovorima sa predstavnicima Vlade TK nije sačinjen nikakav zapisnik, niti su donesene pismene odluke niti zaključci, nego navodno da postoje samo službene zabilješke.

U svom obraćanju Senatu, Denis Talović, student, je izjavio da se osjeća postićeno, da se dosta govorilo o lošim studentima, čiji interes je i on branio, i da od postavljenih zahtjeva nema ništa.

Na ovoj sjednici članovi Senata su upoznati i sa zahtjevom grupe studenata II godine Medicinskog fakulteta Univerziteta u Tuzli, za bezuslovan prelazak sa II na III godinu studija (Zahtjev broj: 01-8038/09 od 09.10.2009. godine) i Zahtjevom sa Ekonomskog fakulteta – Visoka poslovna škola, za bezuslovan prelazak na završnu godinu studija (Zahtjev broj: 01/1-8100/09 od 12.10.2009. godine), pa je nakon obavljene rasprave Senat Univerziteta donio

2.1.

O D L U K U

o stavljanju van snage Odluka Senata Univerziteta u Tuzli od 07.10.2009. godine

I

Stavljaju se van snage Odluke Senata Univerziteta u Tuzli i to:

- Odluka o bezuslovnom prelasku studenata iz III u IV godinu studija na fakultetima Univerziteta u Tuzli u ak. 2009/2010. godini (broj: 03-7530-2.1/09 od 07.10.2009. godine);
- Odluka o bezuslovnom prelasku studenata iz III u IV i IV u V godinu studija na Farmaceutskom fakultetu Univerziteta u Tuzli u ak. 2009/2010. godini (broj: 03-7530-2.1.1./09 od 07.10.2009. godine).

2.2.

O D L U K U

o bezuslovnom prelasku studenata fakulteta/Akademije Univerziteta u Tuzli, sa prethodnjem u završnu godinu studija u akademskoj 2009/2010. godini

I

Odobrava se bezuslovni prelazak studenata fakulteta/Akademije Univerziteta u Tuzli, sa prethodnjem u završnu godinu studija, koje sustiže novi Nastavni plan i program u akademskoj 2009/2010. godini.

2.3.

Z A K L J U Č A K

Uniji studenata Univerziteta u Tuzli, dostavljaju se zahtjevi studenata II godine Medicinskog fakulteta Univerziteta u Tuzli, za bezuslovan prelazak sa II na III godinu studija (Zahtjev broj: 01-8038/09 od 09.10.2009. godine) i Zahtjev Ekonomskog fakulteta – Visoka poslovna škola, za bezuslovan prelazak na završnu godinu studija (Zahtjev broj: 01/1-8100/09 od 12.10.2009. godine), radi pribavljanja mišljenja.

2.4.

ODLUKU

1. Redovnom studentu Univerziteta u Tuzli upisanom u akademskoj 2008/09. godini u I godinu prvog ciklusa studija u statusu studenta koji se sam finansira i koji je u toku akademske 2008/09. godine ostvario uslov za upis u II godinu studija, u narednoj akademskoj 2009/10. godini odobrava se finansiranje iz Budžeta Tuzlanskog kantona.
2. Ova Odluka stupa na snagu danom donošenja.

TAČKA 3.

RAZMATRANJE NACRTA PRAVILNIKA O RADU UPRAVNOG ODBORA JU UNIVERZITET U TUZLI

Ministarstvo obrazovanja, nauke, kulture i sporta TK, uz propratni akt broj: 10/1-34-17512/09 od 05.10.2009. godine, dostavilo je Nacrt Pravilnika o radu Upravnog odbora JU Univerzitet u Tuzli, radi usaglašavanja teksta prije slanja prijedloga Pravilnika Vladi TK na usvajanje. Dana 09.10.2009. godine Nacrt Pravilnika dostavljen je članovima Senata Univerziteta, i kako do današnje sjednice nisu dostavljene nikakve primjedbe, prijedlozi i sugestije na isti, Senat Univerziteta donio je slijedeći

3.

ZAKLJUČAK

Ovlašćuje se menadžment Univerziteta u Tuzli, da pripremi pismene primjedbe, prijedloge i sugestije na Nacrt Pravilnika o radu Upravnog odbora JU Univerzitet u Tuzli i o istim informiše Senat Univerziteta u Tuzli.

TAČKA 4.

TEKUĆA PITANJA I INFORMACIJE

Prof.dr. Fehim Dedagić, dekan, pročitao je Zaključke Senata broj: 03-7530-2.2/09 od 07.10.2009. godine, vezane za organizaciju dekanskog – socijalnog termina, te podsjetio na zaključak Senata sa prethodne 13. sjednice, a koji se po zahtjevu USUT-a odnosio samo na Prirodno-matematički fakultet i održavanje ispitnog termina do 26.10.2009. godine, zatražio je preformulaciju istog, nakon čega je Senat Univerziteta donio

4.

ZAKLJUČAK

Shodno zaključcima Senata Univerziteta u Tuzli od 07.10. i 09.10.2009. godine, vezano za održavanje dekanskog - socijalnog termina za akademsku 2008/09. godinu, koji treba da se obavi do 26.10.2009. godine, na Prirodno-matematičkom fakultetu Univerziteta u Tuzli, umjesto dekanskog ispitnog termina održat će se četvrti termin septembarskog ispitnog roka.

Drugih pitanja i informacija nije bilo pa je sjednica Senata Univerziteta u Tuzli završena u 14,00 sati.

ZAPISNIK SAČINILA

Mirsada Delić, dipl.pravnik

UNIVERZITET U TUZLI

Broj: 03-8105-1/09.

Tuzla, 14.10.2009. godine

**PREDSJEDNIK
SENATA UNIVERZITETA**

Dr.sc. Džemo Tufekčić, red.prof.

